

Шукур Носиров



Шукур Носиров 1933 йил 5 январда Сирдарё областининг Жиззах районида хизматчи оиласида туғилди. 1952 йилда шу райондаги Ҳ. Олимжон номи педагогика билим юртини, 1957 йили Ўрта Осиё (ҳозирги Тошкент) Давлат университети филология факультетининг логика-психология бўлимини имтиёзли диплом билан тугатди. Шундаи сўнг Ўзбекистон ССР Фанлар академиясининг Тил ва адабиёт институтига (ўзбек тили диалектологияси секторига) ишга кириб, дастлаб лаборант, кейинроқ кичик илмий ходим вазифаларида ишлади. 1961—64 йилларда ўзбек диалектологияси бўйича аспирантурада ўқиди.

Шукур Носиров 1958—59 йилларда институт томонидан ташкил қилинган фольклор-диалектологик экспедицияларда иштирок этган. Самарқанд ва Қашқадарё областларидаги қатор қишлоқларда бўлиб, фольклор ҳамда диалектологияга оид кўпгина материаллар (масалан, Ём қишлоғи шевасига оид фактик материалларни, шахрисабзлик достончи Тош шоирдан «Авазхон ва Зулфизор» достонини) ёзиб олган.

Олим 1965 йилда проф. В. В. Решетов раҳбарлигида Қўқон шеваси бўйича кандидатлик диссертацияси ёқлади.

Ш. Носиров Ўзбекистон ССР Фанлар академияси А. С. Пушкин номидаги Тил ва адабиёт институтининг диалектология секторида ишлаган.

- 1960** Ём шевасининг баъзи бир морфологик хусусиятлари ҳақида. «Тилшунослик масалалари», тўплам, 1, Тошкент.
- 1961** Ём шеваси ҳақида. «Ўзбек диалектологиясидан материаллар», тўплам, II, Тошкент.
- 1963** Қўқон шевасида келишик категорияси. «Ўзбек тили ва адабиёти масалалари» журнаלי, 2-сон, Тошкент.
- 1964** Қўқон шеваси фонетикаси. «Ўзбек тили ва адабиёти» журнаלי, 1-сон, Тошкент.
Қўқон шевасининг баъзи морфологик хусусиятлари. «Ўзбек тили ва адабиёти» журнаלי, 3-сон, Тошкент.
- 1965** Қўқон шевасида олмошлар. «Адабиётшунослик ва тилшуносликка оид тадқиқотлар», тўплам, Тошкент.
- 1966** Қўқон шевасининг баъзи бир лексик хусусиятлари. «Ўзбек шевалари лексикаси», тўплам, Тошкент.